

Minister Michelle Hooyboer na Evelyne Wever: STOP di papia, cuminsa HACI!

Relaciona cu asunto di abuso sexual di mucha

ORANJESTAD (AAN): Ta cu masha asombro y decepcion, Minister Michelle Hooyboer-Winklaar a tuma nota cu atrobe Evelyne Wever-Croes, lider di MEP, ta sali lansa otro mentira relaciona cu e situacion di abuso di mucha. E lider di MEP lo ta bou di e impresion cu si e bisa un mentira mas biaha, cu e ora si e lo bira un berdad. E mandatario ta cla pa refuta cada biaha atrobe cu MEP purba haci algo contra abuso di mucha den prensa, en bes di haci algo den Parlamento, unda ainda nan NO a haci nada!!

Ta interesante pa repasa e hechonan pa Evelyne Wever-Croes di MEP, cu ta bolbe skirbi cu Minister Michelle Hooyboer a bisa algun tempo atras cu ta 7% di casonan di abuso SO ta victima di abuso di sexual, loke no ta berdad! E mandatario a contest'e den pasado pero atrobe ta bolbe bisa e mesun cos den prensa. Esaki sin duda ta demostra e tipo di hende cu e lider di MEP ta, cu e tempo aya a bisa un mentira te cu un di su siguidonan a menasa yunan di Minister Hooyboer, tur pasobra e tabata bou di impresion y guia di e mentiranan di e lider di MEP.

Ta bon pa resalta e hecho cu Evelyne Wever den politica hopi biaha ta aplica e pensamiento di "scucha mi palabranan pero no mira mi hechonan". Esaki pasobra e ta skirbi yen di comunicado di prensa pero e NO ta cumpli cu nada cu e ta bisa ni ta haci nada di loke e ta skirbi. Asina el a "bisa" di a manda un ley pa proteha muchanan di abuso, pa Minister Michelle Hooyboer e tempo aya pero nunca e ley a yega. Cu prueba a



mustr'e cu nunca e ley no a ni sali for di Parlamento!

Ora cu porfin el a core "hinca un cos den otro", a mande Raad van Advies, kendenan a manda e ley bek bisando cu locual nan a haya ey NO ta un ley y cu e no ta sirbi. MEP a haya un "dikke onvoldoende" e tempo ey, banda di un lista largo di coreccionnan cu mester a haci den e documento cu nan a prepara y cu nan a kere cu esey por ta un ley.

Ora cu a gara e lider di MEP bisando mentira, e declaraciona cambiabando cu e ley ta na Minister di Husticia. Di e forma ey por mira claramente cu no por kere nada di dje, puro storia pero ningun hecho concreto.

Bisando esaki, Minister Michelle Hooyboer-

Winklaar ta relata hechonan concreto manera e realidad cu MEP a rechasa TUR programa cu Gobierno a bin cune pa combati abuso di mucha. Nan a vota contra presupuesto di Gobierno tur aña, apesar cu den e presupuesto tabatin fondonan destina pa programanan pa combati abuso di mucha. Es mas, Evelyne Wever mes no tabata presente den sala di Parlamento pa scucha e contestananciaci relaciona cu abuso di mucha. Obviamente no tin interes real den e cuenta aki, simplemente kier uza un tema delicado y doloroso pa haci politica.

Es mas, ora a organisa un charla den cual a conta cu participacion di tur instancia cu ta atende cu tur clase di abuso, hasta for di Corsou, e lider di MEP a bisa despues cu e evento tabata "puro

show". Di e forma aki faltando respet y burlando di tur e departamentonan y organisacionnan cu a prepara presentacionnan cu informacion valioso pa comparti cu e sala.

Ta di lamenta cu apenas algun dia prome cu "Dia Internacional di Hende Muhe", cu e lider di MEP ta scoge pa lansa un acusacion falso contra un otro hende muhe. Ta duna un bista real di ki tipo di politico y persona e ta.

Minister Michelle Hooyboer-Winklaar a

subraya cu "Mi ta spera cu e dedica energia na yuda tur esunnan cu ta haciendo todo por todo pa combati abuso sexual y TUR otro forma di abuso contra mucha". No solamente den skirbi relatonan bunita manda prensa, sino den traha leynan adecua, sostene programanan di prevencion, asisti na charlanan relaciona cu e problemanan cu abuso di mucha, percura pa aloca fondonan den presupuesto pa e tema aki y asina por sigui menciona. Papia ta un, haci ta dos!



Haci bon, pasa bon!

21 y 22 di Maart 2014

www.arubadoet.com | 

**Telefonnan di
DIARIO
582-6747
Fax 582-8551**